



Llywodraeth Cymru

## Dogfen Ymgynghori

### Gweithredu Deddf Gwasanaethau Cymdeithasol a Llesiant (Cymru) 2014

Rheoliadau a chod ymarfer mewn perthynas  
â Rhan 11 o'r Ddeddf, Amrywiol a Chyffredinol,  
gan gynnwys Oedolion a Phlant mewn carchar,  
llety cadw ieuentid a llety mechnïaeth,  
a Phreswylfa Arferol

Dyddiad cyhoeddi: **6 Tachwedd 2014**

Camau i'w cymryd: Ymatebion erbyn **2 Chwefror 2015**

## Trosolwg

Mae'r ymgynghoriad hwn yn gofyn am eich barn ar y rheoliadau a'r codau ymarfer sy'n cael eu gwneud i gefnogi awdurdodau lleol a'u partneriaid i gyflawni gofynion Deddf Gwasanaethau Cymdeithasol a Llesiant (Cymru) 2014.

## Sut i ymateb

Gallwch ymateb i'r ymgynghoriad hwn drwy lenwi'r ffurflen ymateb i'r ymgynghoriad ar ddiwedd y ddogfen hon, a'i dychwelyd i ni erbyn y dyddiad cau, drwy'r post i:

Y Gangen Gweithredu Gwasanaethau  
Cymdeithasol Cynaliadwy  
Y Gyfarwyddiaeth Gwasanaethau Cymdeithasol  
Llywodraeth Cymru  
Adeiladau'r Goron  
Parc Cathays  
Caerdydd  
CF10 3NQ

Neu mae'r ffurflen ymateb i'r ymgynghoriad ar gael ar ein gwefan (<http://wales.gov.uk/consultations/?lang=cy>) a gallwch ei dychwelyd i ni drwy e-bost ar: [sswbimplementation@wales.gsi.gov.uk](mailto:sswbimplementation@wales.gsi.gov.uk).

## Rhagor o wybodaeth a dogfennau cysylltiedig

Gallwch ofyn am fersiynau o'r ddogfen hon mewn fformat hygyrch, gan gynnwys MS Word, print bras neu Braille, neu mewn ieithoedd eraill.

Gwasanaethau Cymdeithasol Cynaliadwy i Gymru: Fframwaith Gweithredu:  
[www.wales.gov.uk/topics/health/publications/socialcare/guidance1/services/?skip=1&lang=cy](http://www.wales.gov.uk/topics/health/publications/socialcare/guidance1/services/?skip=1&lang=cy)

Gweithredu'r Weledigaeth Adroddiad y comisiwn annibynnol ar Wasanaethau Cymdeithasol yng Nghymru  
[www.icssw.org/vision/?skip=1&lang=cy](http://www.icssw.org/vision/?skip=1&lang=cy)

Adroddiad Comisiwn y Gyfraith ar Ddeddfwriaeth Gofal Cymdeithasol i Oedolion:  
[www.lawcommission.justice.gov.uk/areas/adult-social-care.htm](http://www.lawcommission.justice.gov.uk/areas/adult-social-care.htm)

Ymgynghoriad ar Fil Gwasanaethau Cymdeithasol a Llesiant (Cymru):  
[www.wales.gov.uk/consultations/healthsocialcare/bill/?skip=1&lang=cy](http://www.wales.gov.uk/consultations/healthsocialcare/bill/?skip=1&lang=cy)

Tafleenni Llywodraeth Cymru ar Wybodaeth, Cyngor a Chymorth, Asesu, Cynllunio Gofal a Gofalwyr:

[www.wales.gov.uk/topics/health/socialcare/act/resources/?skip=1&lang=cy](http://www.wales.gov.uk/topics/health/socialcare/act/resources/?skip=1&lang=cy)

Deddf Gwasanaethau Cymdeithasol a Llesiant (Cymru) 2014:

[www.legislation.gov.uk/cy/anaw/2014/4/contents/enacted](http://www.legislation.gov.uk/cy/anaw/2014/4/contents/enacted)

Y Fframwaith Canlyniadau Cenedlaethol ar gyfer pobl sydd angen gofal a chymorth a gofalwyr sydd angen cymorth (dogfen waith):

[www.wales.gov.uk/topics/health/socialcare/well-being/?skip=1&lang=cy](http://www.wales.gov.uk/topics/health/socialcare/well-being/?skip=1&lang=cy)

Datganiad Llesiant ar gyfer pobl sydd angen gofal a chymorth a gofalwyr sydd angen cymorth:

[www.cymru.gov.uk/topics/health/publications/socialcare/reports/ish/?lang=cy](http://www.cymru.gov.uk/topics/health/publications/socialcare/reports/ish/?lang=cy)

Bwriad polisi – Rheoliadau ac is-ddeddfwriaeth arall o dan y Bil Gwasanaethau Cymdeithasol a Llesiant:

[www.wales.gov.uk/topics/health/publications/socialcare/guidance1/8420843/?skip=1&lang=cy](http://www.wales.gov.uk/topics/health/publications/socialcare/guidance1/8420843/?skip=1&lang=cy)

## Manylion cysylltu

I gael rhagor o wybodaeth:

Y Gangen Gweithredu Gwasanaethau Cymdeithasol Cynaliadwy  
Y Gyfarwyddiaeth Gwasanaethau Cymdeithasol ac Integreiddio  
Adeiladau'r Goron  
Parc Cathays  
CAERDYDD  
CF10 3NQ

e-bost: [sswbimplementation@wales.gsi.gov.uk](mailto:sswbimplementation@wales.gsi.gov.uk)  
ffôn: 029 2080 1172

## Diogelu data

### Sut y byddwn yn defnyddio'r farn a'r wybodaeth a roddwch inni

Bydd unrhyw ymateb a anfonwch atom yn cael ei weld yn llawn gan staff Llywodraeth Cymru sy'n gweithio ar y materion y mae'r ymgynghoriad hwn yn ymdrin â nhw. Mae'n bosibl y bydd aelodau eraill o staff Llywodraeth Cymru yn gweld yr ymateb hefyd, er mwyn eu helpu i gynllunio ymgynghoriadau ar gyfer y dyfodol.

Mae Llywodraeth Cymru yn bwriadu cyhoeddi crynodeb o'r ymatebion i'r ddogfen hon. Mae'n bosibl hefyd y byddwn yn cyhoeddi'r ymatebion yn llawn. Fel arfer, bydd enw a chyfeiriad (neu ran o gyfeiriad) yr unigolyn neu'r sefydliad a anfonodd yr ymateb yn cael eu cyhoeddi gyda'r ymateb. Mae hynny'n helpu i ddangos bod yr ymgynghoriad wedi'i gynnal yn briodol. Os nad ydych yn dymuno i'ch enw a'ch cyfeiriad gael eu cyhoeddi, rhowch wybod i ni yn ysgrifenedig wrth anfon eich ymateb. Byddwn wedyn yn cuddio'ch manylion.

Mae'n bosibl y bydd yr enwau a'r cyfeiriadau y byddwn yn eu cuddio yn cael eu cyhoeddi'n ddiweddarach, er nad yw hynny'n debygol o ddigwydd yn aml iawn. Mae Deddf Rhyddid Gwybodaeth 2000 a Rheoliadau Gwybodaeth Amgylcheddol 2004 yn caniatáu i'r cyhoedd gael gweld gwybodaeth a gedwir gan lawer o gyrff cyhoeddus, gan gynnwys Llywodraeth Cymru. Mae hynny'n cynnwys gwybodaeth sydd heb ei chyhoeddi. Fodd bynnag, mae'r gyfraith hefyd yn caniatáu i ni gadw gwybodaeth yn ôl dan rai amgylchiadau. Os bydd unrhyw un yn gofyn am gael gweld gwybodaeth a gadwyd yn ôl gennym, bydd rhaid inni benderfynu a ydym am ei rhyddhau ai peidio. Os bydd rhywun wedi gofyn inni beidio â chyhoeddi ei enw a'i gyfeiriad, bydd hynny'n ffaith bwysig i ni ei chadw mewn cof. Fodd bynnag, fe allai fod rheswm pwysig dros orfod datgelu enw a chyfeiriad unigolyn, er ei fod wedi gofyn i ni beidio â'u cyhoeddi. Byddem yn cysylltu â'r unigolyn ac yn gofyn am ei farn cyn gwneud unrhyw benderfyniad terfynol i ddatgelu'r wybodaeth.

## Rhagair

Mae Deddf Gwasanaethau Cymdeithasol a Llesiant (Cymru) 2014, a gafodd Gydsyniad Brenhinol ar 1 Mai 2014, yn creu system gyfreithiol newydd i wasanaethau cymdeithasol. Mae'n creu fframwaith sy'n dwyn ynghyd ac yn moderneiddio'r gyfraith ar gyfer gwasanaethau cymdeithasol yng Nghymru, gan gynyddu'r pwyslais ar gamau ataliol, gan ddod â phobl yn agosach at benderfyniadau am y gwasanaethau sy'n effeithio arnynt, a mynd i'r afael â heriau newid economaidd a demograffig.

Byddwch i gyd yn ymwybodol o'r egwyddorion Gofal Iechyd Darbodus sydd wedi cael eu trafod yn eang yn ystod 2014. Mae'r newid diwylliannol tuag at yr ymyriadau priodol lleiaf posibl, 'gwnewch yr hyn y gallwch chi yn unig ei wneud', hyrwyddo tegwch ac ailfodelu'r berthynas rhwng y defnyddiwr a'r darparwr ar sail cydgynhyrchu wedi ei groesawu'n eang mewn lleoliadau gofal iechyd. Fodd bynnag, mae'r egwyddorion hyn yn ymestyn yn ehangach ac yn cyffwrdd â chraidd gwasanaethau cymdeithasol yng Nghymru, gan adlewyrchu'r canolbwynt ar lais y dinesydd, rheolaeth y dinesydd a chydgyhyrchu a nodwyd yn Gwasanaethau Cymdeithasol Cynaliadwy. Yr her ym maes gofal cymdeithasol, fel ym maes gofal iechyd, yw datblygu modelau gwasanaeth cynaliadwy, o ran adnoddau ariannol ac adnoddau'r gweithlu, i'n helpu i reoli'r galw yn effeithiol a bod yn gyfartal ac yn deg i bawb. Dylem ymdrechu i hyrwyddo annibyniaeth ac nid dibyniaeth ac, a defnyddio ymadrodd a ddefnyddiwyd gennym flynyddoedd lawer yn ôl, mae angen inni hefyd ystyried sut rydym yn ychwanegu 'bywyd at flynyddoedd' nid dim ond 'blynyddoedd at fywyd'. Drwy gymhwyso'r egwyddorion hyn i weithredu Deddf Gwasanaethau Cymdeithasol a Llesiant (Cymru) 2014 ein nod yw cyflawni system sy'n addas ar gyfer anghenion pob defnyddiwr.

Bydd y fframwaith statudol newydd ar gyfer darparu gwasanaethau cymdeithasol yn cynnwys tair rhan. Mae'r rhan gyntaf, y Ddeddf ei hun, eisoes yn ei lle. Bydd y ddwy ran arall yn cynnwys rheoliadau a chodau ymarfer neu ganllawiau statudol, a fydd yn helpu i gyflenwi'r manylion ac yn helpu'r rhai sy'n gyfrifol am swyddogaethau o dan y Ddeddf i ddeall sut y dylent gyflawni'r rhain.

Cafodd bwriad polisi Llywodraeth Cymru mewn perthynas â'r prif grwpiau o bwerau i wneud rheoliadau o dan y Ddeddf eu nodi mewn datganiad ysgrifenedig a gyhoeddwyd gan Gwenda Thomas AC, y Dirprwy Weinidog Gwasanaethau Cymdeithasol ar y pryd, ar 30 Ionawr 2014. Mae'r rheoliadau

a'r codau a nodir yn y ddogfen ymgynghori hon yn troi'r bwriad polisi hwn yn ffurf bendant ac yn cyflenwi'r ddwy ran arall o'r fframwaith statudol sy'n weddill.

Er mwyn cyrraedd y pwynt hwn, mae fy swyddogion wedi gweithio'n agos gyda rhanddeiliaid drwy gyfres o grwpiau technegol i ddatblygu a mireinio manylion ein polisi ar gyfer rheoliadau, codau ymarfer a chanllawiau statudol. Hoffwn roi teyrnged i'r rhanddeiliaid hynny, ac i ddiolch iddynt am eu cyfraniad gwerthfawr at y broses o wireddu'r Ddeddf.

Fy mwriad i yw y byddwn, drwy ymgynghori ar y rheoliadau hyn a'u gosod gerbron y Cynulliad, yn gallu cyflwyno system gydlynol o asesu, penderfynu a chymhwysra a chynllunio gofal gyda'n gilydd. Ar yr un pryd byddwn yn sicrhau bod taliadau uniongyrchol ar gael fel un ffordd o ddiwallu anghenion, a chreu fframwaith pwerus newydd ar gyfer diogelu

Yn unol â Chod Asesiad Effaith Rheoleiddiol Gweinidogion Cymru ar gyfer is-ddeddfwriaeth, rwyf yn ymrwymedig i gynnal asesiad effaith rheoleiddiol llawn ar gyfer y rheoliadau i'w gwneud o dan y Ddeddf. Byddaf wrth gwrs yn defnyddio'r dystiolaeth a gesglir fel rhan o'r broses ymgynghori hon i lywio'r asesiad hwn a gobeithio y byddwch chi yn achub ar y cyfle a gynigir drwy ein cwestiynau ymgynghori i gyfrannu at hyn.

Rwyf yn bwriadu i'r rheoliadau hyn, y codau ymarfer cysylltiedig a'r canllawiau statudol gael eu gosod gerbron y Cynulliad ym mis Mai 2015.

Bydd yr ail gyfres o is-ddeddfwriaeth ar gael ar gyfer ymgynghori arni o fis Mai 2015, unwaith eto wedi ei hategu gan ymgysylltu â rhanddeiliaid a gwaith grwpiau technegol a chynghori. Bydd y gyfres hon yn creu system sy'n sicrhau canlyniadau i blant sy'n derbyn gofal a phlant sy'n cael eu lletya, yn ysgogi cydweithredu rhanbarthol, ac yn gweithredu system o godi ffioedd, asesu ariannol a thalu am ofal. Bydd yn cynorthwyo gwneud sylwadau a darparu eiriolaeth, ac yn mynd i'r afael â'r materion a godwyd gan fethiant darparwr

Yn dilyn ymgynghoriad cyhoeddus llawn rwyf yn bwriadu i'r rheoliadau hyn, eu codau ymarfer cysylltiedig a'r canllawiau statudol gael eu gosod gerbron y Cynulliad yn ystod gaeaf 2015.

Mae'r gwaith rwyf yn ei ddisgrifio yn adeiladu ar y consensws cenedlaethol sydd gennym ar gyfer y newidiadau y mae angen inni eu gwneud. Mae'r holl

agweddau allweddol ar ddatblygu Gwasanaethau Cymdeithasol Cynaliadwy yn cael eu cynnal gyda chyfranogiad agos dinasyddion ac arweinyddiaeth gref gan lywodraeth leol, y GIG a darparwyr yn y sector preifat a'r trydydd sector. Byddaf yn parhau i weithio gyda'r Fforwm Partneriaeth Cenedlaethol, y Grŵp Arweinyddiaeth a Phanel y Dinasyddion i gynorthwyo hyn, a sicrhau uchelgais newydd a rennir bod pobl sy'n defnyddio gwasanaethau yn cael lle canolog a chadarn yn ein rhaglen ar gyfer newid.

**Mark Drakeford AC**  
**Y Gweinidog Iechyd a Gwasanaethau Cymdeithasol**

## Yr ymgynghoriad hwn

Mae'r ymgynghoriad hwn yn ceisio eich barn ar y rheoliadau a'r codau ymarfer sydd wedi eu datblygu er mwyn helpu awdurdodau lleol a'u partneriaid i weithredu Rhan 11 o Ddeddf Gwasanaethau Cymdeithasol a Llesiant (Cymru) 2014 ("y Ddeddf").

Gwneir y rheoliadau o dan yr adrannau priodol o'r Ddeddf, ac mae'r cod ymarfer yn cael ei gyhoeddi o dan adran 145 o'r Ddeddf, sy'n caniatáu i Lywodraeth Cymru gyhoeddi codau ymarfer i awdurdodau lleol ar weithredu swyddogaethau gwasanaethau cymdeithasol. Mae'r hyn sy'n cyfateb i swyddogaeth gwasanaethau cymdeithasol wedi ei nodi yn Atodlen 2 i'r Ddeddf.

Mae' ddogfen ymgynghori hon yn ymwneud â'r rheoliadau drafft a'r codau ymarfer ar oedolion a phlant mewn carchar, llety cadw ieuencid neu lety mechnïaeth ac ar breswylfa arferol a datrys anghydfod sy'n deillio o Ran 11 o'r Ddeddf.

## Beth yw'r sefyllfa ar hyn o bryd?

Cafodd Deddf Gwasanaethau Cymdeithasol a Llesiant (Cymru) 2014 Gydsyniad Brenhinol ar 1 Mai 2014. Mae'r Ddeddf yn sail i fframwaith statudol newydd ar gyfer gofal cymdeithasol yng Nghymru.

Mae'r canolbwynt bellach yn troi at weithredu'r Ddeddf. Mae Gweinidogion Cymru wedi egluro eu bod yn dymuno i elfennau craidd y fframwaith statudol newydd fod yn eu lle ar gyfer mis Ebrill 2016, pan fydd y Ddeddf yn cael ei gweithredu.

Bydd y fframwaith statudol yn cynnwys tair prif elfen, sef y Ddeddf ei hun, rheoliadau a wnaed o dan y Ddeddf, a chodau ymarfer/canllawiau statudol. Bydd y tair elfen hyn yn gweithio gyda'i gilydd i ffurfio'r fframwaith y bydd gwasanaethau cymdeithasol yn gweithredu ynddo o fis Ebrill 2016.

Mae'r rheoliadau a'r codau wedi cael eu datblygu drwy broses ymgynghori â rhanddeiliaid allweddol ac maent bellach yn cael eu cyflwyno i randdeiliaid ledled Cymru er mwyn cael eu cyfraniad.

## Y dystiolaeth ar gyfer newid

Nodwyd y dystiolaeth ar gyfer newid yn *Gwasanaethau Cymdeithasol Cynaliadwy: Fframwaith Gweithredu*<sup>1</sup> ac yn yr ymgynghoriad ar y Bil Gwasanaethau Cymdeithasol (Cymru).

---

<sup>1</sup> Gweler **Rhagor o wybodaeth a dogfennau cysylltiedig**

Mae gwasanaethau cymdeithasol yn ganolog i fywyd cyhoeddus Cymru. Caiff 150,000 o bobl ifanc, pobl hŷn a phobl anabl gymorth ganddynt bob blwyddyn i gyflawni eu potensial ac i'w helpu i fod yn ddiogel. Darperir llawer o'r gwasanaethau hyn mewn partneriaeth ag eraill, gan gynnwys gwasanaethau tai, iechyd ac addysg. Mae'r gymdeithas yn newid a rhaid i wasanaethau cymdeithasol newid mewn ymateb i hyn. Bu newid yn nisgwyliadau'r cyhoedd o wasanaethau cymdeithasol a bydd hyn yn parhau, o ganlyniad i newid demograffig a newidiadau yn ein cymdeithas. Mae angen i wasanaethau cymdeithasol addasu ac ymateb i bob un o'r rhain.

At hynny, mae'r galw yn cynyddu ar draws gwasanaethau cymdeithasol, ond mae'r rhagolwg ariannol ar gyfer yr holl wasanaethau cyhoeddus yn un anodd. Er ein bod wedi diogelu gwariant ar wasanaethau cymdeithasol, mae angen inni wneud newid mwy sylfaenol na dim ond mynd ar drywydd y mesurau effeithlonrwydd amlwg er mwyn inni sicrhau bod gwasanaethau cymdeithasol yn gynaliadwy. Mae ein Papur Gwyn *Gwasanaethau Cymdeithasol Cynaliadwy i Gymru: Fframwaith Gweithredu* yn nodi rhaglen o newid i ateb yr heriau hyn yn seiliedig ar y naw egwyddor ganlynol:

- Llais cadarn a rheolaeth go iawn
- Cefnogi ein gilydd
- Diogelwch
- Parch
- Adfer ac ailsefydlu
- Addasu i amgylchiadau newydd
- Sefydlogrwydd
- Symlirwydd
- Proffesiynoldeb

Mae'r rhain wedi eu llywio gan drafodaethau â rhanddeiliaid a dadleuon yng Nghynulliad Cenedlaethol Cymru ac mewn manau eraill ers i *Gwasanaethau Cymdeithasol Cynaliadwy i Gymru* gael ei gyhoeddi. Maent ochr yn ochr â thystiolaeth y Comisiwn Annibynnol ar Wasanaethau Cymdeithasol yng Nghymru, adolygiad Comisiwn y Gyfraith<sup>2</sup> o ddeddfwriaeth gofal cymdeithasol i oedolion, a'n Hadolygiad o Ddiogelu<sup>3</sup>. Mae'r cyfan yn asgwrn cefn ein hachos dros newid.

Mae'r dystiolaeth hon, a'r broses o'i hystyried drwy'r broses graffu genedlaethol ar y Bil, wedi llywio a llunio cynnwys y Ddeddf. Mae'r cam nesaf, datblygu'r rheoliadau a'r codau ymarfer neu'r canllawiau statudol, wedi ei lywio gan gyfraniadau strategol allweddol fel *Mwy na Geiriau*, ein Fframwaith Strategol ar gyfer Gwasanaethau Cymraeg mewn lechyd, Gwasanaethau Cymdeithasol a Gofal Cymdeithasol<sup>4</sup>, a chan dystiolaeth a gafwyd drwy grwpiau technegol a oedd yn cynnwys rhanddeiliaid allweddol. Mae'r grwpiau hyn wedi edrych ar ddarpariaethau'r Ddeddf, a'r polisi sy'n sail i'r rhain, yn

---

<sup>2</sup> Gweler **Rhagor o wybodaeth a dogfennau cysylltiedig**

<sup>3</sup> <http://cymru.gov.uk/topics/health/publications/socialcare/reports/advisory/?skip=1&lang=cy>

<sup>4</sup> <http://cymru.gov.uk/topics/health/publications/health/guidance/words/?skip=1&lang=cy>



fanwl, a rhoi cyngor i swyddogion ar sut y dylai'r rheoliadau a'r codau ymarfer gael eu llunio er mwyn cyflawni nodau'r Ddeddf a, thrwy hyn, gyflawni gofynion *Gwasanaethau Cymdeithasol Cynaliadwy: Fframwaith Gweithredu*. Mae'r broses hon wedi sicrhau amrywiaeth o gyfraniadau gwerthfawr y mae swyddogion Llywodraeth Cymru wedi eu defnyddio i ddatblygu'r rheoliadau drafft a'r cod ymarfer a gwmpesir gan yr ymgynghoriad hwn.

## Y cynigion

Mae'r cod ymarfer yn ceisio pennu polisi ar ddiwallu anghenion 'gofal a chymorth' **Oedolion a Phlant mewn Carchar, Llety Cadw Ieuenctid neu Lety Mechnïaeth** tra eu bod yn y ddalfa, ac i'w paratoi ar gyfer y gofal a'r cymorth y gall fod eu hangen arnynt pan fyddant yn cael eu hailsefydlu yn y gymuned. Mae'r Cod ymarfer yn nodi sut y dylai awdurdodau lleol weithredu'r dyletswyddau newydd o dan y Ddeddf.

Erbyn mis Ebrill 2016 bydd angen i awdurdodau lleol sicrhau bod trefniadau yn eu lle i asesu, a diwallu, anghenion gofal a chymorth y rhai yn yr ystad ddiogel. Bydd angen i awdurdodau lleol gymhwysu'r trefniadau o dan Rannau 3 a 4 o'r Ddeddf, yn ogystal â'r dyletswyddau cyffredinol o dan Ran 2, i bobl yn y ddalfa yn union fel y byddent yn ei wneud i'r rhai sy'n byw yn y gymuned.

Nid oes unrhyw reoliadau yn ymwneud ag oedolion a phlant mewn carchar, llety cadw ieuenctid na llety mechnïaeth.

Mewn perthynas â **Phreswylfa Arferol a datrys anghydfod**, cynigiwn:

- Nodi llety lleoliadau oedolion ('rhannu bywydau') ochr yn ochr â llety cartref gofal yn y rheoliadau preswylfa arferol (Adran 194).
- Gwneud rheoliadau ar y gweithdrefnau ar gyfer dyfarnu anghydfodau ynghylch preswylfa arferol a hygludedd gofal a chymorth (Adran 195).

Ceir crynodeb manylach o'n cynigion yn y **Crynodeb Gweithredol** yn **Atodiad A**.

## Dogfennau ymgynghori

Mae'r ymgynghoriad hwn yn ceisio eich sylwadau a'ch barn ar y dogfennau allweddol canlynol:

- **Drafft o Reoliadau Gofal a Chymorth (Preswylfa Arferol) (Llety Penodedig) (Cymru) 2015** (Atodiad B)
- **Drafft o Reoliadau Gofal a Chymorth (Anghydfodau ynghylch Preswylfa Arferol, etc.) (Cymru) 2015** (Atodiad C)

- Drafft o'r **Cod Ymarfer ar Amrywiol a Chyffredinol** a gyhoeddwyd o dan adran 145 o Ddeddf Gwasanaethau Cymdeithasol a Llesiant (Cymru) 2014 (Atodiad D)

Ceir ffurflen ymateb i'r ymgynghoriad yn **Atodiad E**.

**Ffurflen Ymateb  
i'r  
Ymgynghoriad**

Eich enw:

Sefydliad (os yw'n berthnasol):

e-bost / rhif ffôn:

Eich cyfeiriad:

**Pennod 1: Oedolion a phlant mewn carchar, llety cadw  
ieuenctid a llety mechniaeth**

**1. I ba raddau rydych yn cytuno bod y bennod hon yn cynorthwyo  
awdurdodau lleol i ymgymryd â'r dyletswyddau newydd yn y  
Ddeddf?**

Cytuno	<input type="checkbox"/>	Tueddu i gytuno	<input type="checkbox"/>	Tueddu i anghytuno	<input type="checkbox"/>	Anghytuno	<input type="checkbox"/>
--------	--------------------------	-----------------	--------------------------	-----------------------	--------------------------	-----------	--------------------------

Beth arall y gellid ei gynnwys?

**2. A oes elfennau o'r system gofal a chymorth y gellid eu cyflawni'n  
well i'r rhai yn yr ystadau diogel drwy gydweithio cenedlaethol  
rhwng awdurdodau lleol?**

Cytuno	<input type="checkbox"/>	Tueddu i gytuno	<input type="checkbox"/>	Tueddu i anghytuno	<input type="checkbox"/>	Anghytuno	<input type="checkbox"/>
--------	--------------------------	-----------------	--------------------------	-----------------------	--------------------------	-----------	--------------------------

**3. Sut y gall y cod ymarfer ar Ran 11 gynorthwyo cyfranogiad teuluoedd o droseddwyr yn well i leihau effaith dedfrydau o garchar ar y teulu ehangach?**

**Pennod 2: Preswylfa Arferol a Datrys Anghydfod**

**4. I ba raddau rydych yn cytuno bod y Cod Ymarfer y cwmpasu pob agwedd berthnasol ar breswylfa arferol a datrys anghydfod?**

Cytuno	<input type="checkbox"/>	Tueddu i gytuno	<input type="checkbox"/>	Tueddu i anghytuno	<input type="checkbox"/>	Anghytuno	<input type="checkbox"/>
--------	--------------------------	-----------------	--------------------------	--------------------	--------------------------	-----------	--------------------------

A oes unrhyw faterion eraill sydd angen eu cynnwys?

**5. I ba raddau rydych yn cytuno y dylai llety lleoli oedolion ('rhannu bywydau') gael ei gynnwys yn y rheoliadau ar lety a bennwyd?**

Cytuno	<input type="checkbox"/>	Tueddu i gytuno	<input type="checkbox"/>	Tueddu i anghytuno	<input type="checkbox"/>	Anghytuno	<input type="checkbox"/>
--------	--------------------------	-----------------	--------------------------	--------------------	--------------------------	-----------	--------------------------

**6. A ydych yn rhagweld unrhyw faterion o ran ymestyn cwmpas y rheoliadau hyn i gynnwys lleoliadau oedolion?**

**7. A oes unrhyw fath arall o lety rydych yn credu y dylid ei gynnwys yn y llety a bennwyd (e.e. byw â chymorth?)**

Os felly, esboniwch pam rydych yn credu y dylid ei gynnwys, unrhyw faterion a all godi oherwydd hyn a sut y gellir mynd i'r afael â hwy?

**8. I ba raddau rydych yn cytuno â'r gweithdrefnau datrys anghydfod?**

Cytuno	<input type="checkbox"/>	Tueddu i gytuno	<input type="checkbox"/>	Tueddu i anghytuno	<input type="checkbox"/>	Anghytuno	<input type="checkbox"/>
--------	--------------------------	-----------------	--------------------------	--------------------	--------------------------	-----------	--------------------------

**9. A ydych yn credu bod angen cryfhau'r gweithdrefnau datrys anghydfod mewn unrhyw ffordd? Sut?**

A oes unrhyw hepgoriadau, neu unrhyw agweddau sy'n peri pryder ichi?

## Arall

**Mae gan Lywodraeth Cymru ddiddordeb mewn deall a fydd y cynigion yn y ddogfen ymgynghori hon ynglŷn â rhan 11: amrywiol yn effeithio ar grwpiau â nodweddion gwarchoddedig. Dyma'r nodweddion gwarchoddedig: oed, anabledd, ailbennu rhyw, priodas a phartneriaeth sifil, beichiogrwydd a mamolaeth, hil, crefydd a chredo, rhyw, a chyfeiriadedd rhywiol.**

**10. A ydych yn credu y bydd y cynigion yn yr ymgynghoriad hwn yn cael unrhyw effeithiau cadarnhaol ar grwpiau â nodweddion gwarchoddedig? Os felly, pa rai a pham/pam ddim?**

**11. A ydych yn credu y bydd y cynigion yn yr ymgynghoriad hwn yn cael unrhyw effeithiau negyddol ar grwpiau â nodweddion gwarchoddedig? Os felly, pa rai a pham/pam ddim?**

**12. Bydd ailgydbwyso'r system gofal a chymorth i gyflawni'r fframwaith cyfreithiol newydd yn galw am ailflaenoriaethu adnoddau. Beth yw'r camau allweddol sydd angen eu cymryd i gyflawni hyn?**

**13. Rydym wedi gofyn nifer o gwestiynau penodol. Os oes gennych unrhyw faterion cysylltiedig nad ydym wedi mynd i'r afael â hwy'n benodol, defnyddiwch y gofod hwn i roi gwybod inni amdanynt.**

**Mae'n bosibl y bydd yr ymatebion i'r ymgynghoriad yn cael eu cyhoeddi, naill ai ar y rhyngwrwyd neu mewn adroddiad. Os hoffech inni gadw'ch ymateb yn gyfrinachol, ticiwch y blwch.**